



Ciso e Rose, la sô femine, a vevin il non cun se: a jerin clamâts chei di Pustot, pocje voie di produci e fadiâ, ma pronts a gjoldi di dut chel che la vite ur regalave.

Plens di fruts e di miserie, se no vevin di mangjâ si contentavin... di bevi.

Une sere, dopo cene (ta chei tims nuie television) tal cjalduç dal fogolâr, Ciso e Rose, cloteant su la taule, si indurmidisin.

Dopo un pôc Rose si svee e a poche Cjso:

- Jo o voi a durmî tal jet; ven sù ancje tu.

Lui i da une rugnade e la sburte vie.

Viers miezegnot Rose, stant che l'om nol jere ancjemò tal jet, e torne jù tal fogolâr.

- Ciso, Ciso; ven sù a durmî che achì tu cjapis frêt.

Ma Ciso nuie di fâ, la pare vie di brut e dilunc a ronfâ cul cjâf poiât su la taule.

- Po ben, alore reste li - i dîs Rose e e torne tal jet.

Sul cricâ dal dì a sint Ciso jentrâ in cjamare bruntulant:

- Musse, musse; brute musse cence cûr, lassâmi a durmî su la taule, tal frêt.

Rose e fâs fente di durmî, ma il sium ormai al è rot: - Ta le peti ben biele jo, tu viodarâs veh.

Tal doman, cuant che Cjso al jeve a fâ gulizion, al cjate Rose vistude a puntin:

- Alore lino? Jo o soi pronte - e fâs jê.

- Dulà - al fâs lui.
- A Morteian.
- A ce fâ?
- A comprà la carete pa la musse, no!

Cheste storiute di une vore di timp fa, mi le à contade Gjinie, une lôr fie, e a mi mi ven tal cjâf ogni volte che o pochi il gno om indurmidît denant la television e lui mi sberle “tu mi âs rot i coions”.

Se Rose e fos ancjemò vive, di sigûr mi disares intune orele: - Frute, bisugne che tu lu menis a Cjasteons... a fâiai comedâ”.

di Maghe Olstrele